

BM Logistic d.o.o. Sarajevo, Igmanska bb, 71320 Vogošća, JIB:4201869250007, PDV: 201869250007 Tel:/033/425-300 Fax.033/425-301: kojeg zastupa direktor Mirnes Bošnjaković, (u daljem tekstu: Prodavac)

i

Srednja zubotehnička škola, Ulica Čekaluša br.84, 71000 Sarajevo , ID broj: 4200335680000 (u daljem tekstu: Kupac)

Sklopili su dana 05.06.2019. godine sljedeći:

UGOVOR O KUPOPRODAJI ROBE

OPĆE ODREDBE

Član 1.

Predmet Ugovora je nabavka Dezi-7 96% etanol za medicinu i farmaciju.

Član 2.

Prodavac se obavezuje da će robu iz člana 1 ovog Ugovora isporučiti saglasno ponudi u pogledu vrste robe, količine kvaliteta, roka isporuke, cijene i drugih uslova. Isporuka robe i realizacija ovog Ugovora vršiće se preko JU Srednja zubotehnička škola.

CIJENA

Član 3.

Ukupna vrijednost za nabavku robe iz člana 1 ovog Ugovora iznosi **1705,50 KM, bez PDV-a.**

Kupac se obavezuje da će vrijednost primljene robe platiti Prodavcu na njegov transakcijski račun na osnovu unaprijed dogovorenih uslova za svaku pojedinačnu ponudu.

U slučaju kašnjenja u izvršenju novčanih obaveza, dužnik duguje povjeriocu, pored glavnog duga, **kamate za kašnjenje**, pod uslovom da je povjerilac ispunio ugovorene i zakonske obaveze. U ovom slučaju, stopa kamate za kašnjenje jednaka je stopi zatezne kamate propisane zakonom /trenutno važeća stopa je 12% godišnje/.

Kašnjenje u izvršenju novčanih obaveza, pored kamate za kašnjenje povlači za sobom, bez ikakve dalje opomene i pravo **povjerioca na novčanu naknadu u iznosu od 100,00KM.**

KVALITET PROIZVODA

Član 4.

Kvalitet robe koju će Prodavac isporučiti mora biti u skladu sa europskim standardima i važećim zakonskim podzakonskim aktima, te Prodavac garantuje za to. Kupac će zaprimiti samo kvalitativno ispravnu robu Nakon preuzimanja robe Kupac zadržava pravo na naknadne reklamacije i/ili prigovore za nedostatke na rob koji se nisu mogli utvrditi prilikom preuzimanja i uobičajenog pregleda robe (skriveni nedostaci) Kupac će o navedenim nedostacima obavijestiti Prodavca bez odgađanja.

Član 5.

Niti jedna ugovorna strana neće biti odgovorna za štetu, ili biti podložna raskidu ovog Ugovora od druge strane zbog bilo kakvog kašnjenja ili neizvršenja ugovornih obaveza ako je to kašnjenje ili neizvršenje obaveze uzrokovano višom silom, dakle iz razloga koji se nisu mogli izbjeći niti spriječiti odnosno bilo čime što je izvan razumnih granica kontrole i bez greške ili nemara te strane, pod uvjetom da u svrhu opravdanja kašnjenja ili neizvršenja ugovorne obaveze, obavijesti drugu stranu o zbivanjima ili uzroku, navodeći prirodu i detalje, istih i očekivano trajanje istih i maksimalno se potruditi da smanji trajanje i učinak istih, i nadalje, pod uvjetom da odmah po prestanku takvih zbivanja ili uzroka, o prestanku obavijesti drugu stranu i nastavi s izvršavanjem ugovornih obaveza.

ISPORUKA ROBE KUPCU

Član 6.

Prodavac se obavezuje da će ugovorenu isporuku izvršiti tačno na dan koji je naznačen u svakoj pojedinačnoj narudžbi. Rok za isporuku je 1-2 dana od narudžbe.

Isporka će za traženu količinu i vrstu robe biti na mjestu kako se ugovorne strane dogovore.

OBAVEZE PRODAVCA

Član 7.

Prodavac se obavezuje da sve intervencije u vezi reklamacije i neusklađenosti robe treba riješiti u roku od 3-5 radna dana od prijave reklamacije/neusklađenosti.

OBAVEZE KUPCA

Član 8.

Kupac se obavezuje da obezbjedi prostorije i uslove za isporuku ugovorene robe, te se obavezuje obezbjediti sredstva za istovar iste. Kupac se obavezuje da će sve obaveze prema Prodavcu izvršavati u skladu sa ovim Ugovorom.

TRAJANJE UGOVORA

Član 9.

Ugovorne strane su saglasne da se ovaj Ugovor primjenjuje od dana potpisivanja, te se zaključuje na period od 1 (jedne) godine, a nakon toga prelazi na neodređeno vrijeme, ukoliko ga niti jedna ugovorna strana ne otkáže 30 dana prije isteka roka na koji je sklopljen.

U slučaju produženja Ugovora, po isteku ugovornog roka, svaka ugovorna strana može otkazati Ugovor pisanom izjavom, uz otkazni rok od 30 dana.

Član 10.

Svaka ugovorna strana može raskinuti ugovor ako druga učini težu povredu ovog ugovora, kao što su nepoštivanje odredbi ovog ugovora i kršenje dobrih poslovnih običaja. U slučaju da jedan od potpisnika ugovora želi otkazati ugovor, o svojoj namjeri mora drugu stranu obavijestiti pisanom preporučenom pošiljkom.

POVJERLJIVOST

Član 11.

Obje ugovorene strane se obavezuju, osim kad su u obavezi otkriti na zahtjev suda ili neke druge ovlaštene državne institucije, čuvati povjerljivima i ne otkrivati bilo kojoj drugoj strani sve podatke koji proizilaze iz ili su dobiveni u toku izvršenja ovog Ugovora, te osigurati da sve podatke čuva njegovo osoblje, zastupnici, kupci, dobavljači i ostali poslovni partneri, pa i nakon prestanka važenja ovog Ugovora.

ZAVRŠNE ODREDBE

Član 12.

Za sva pitanja koja nisu uređena ovim Ugovorom primjenjivat će se odredba Zakona o obveznim odnosima. Sve sporove iz ovog Ugovora ugovorne strane riješit će sporazumno, a u slučaju da spor nije moguće riješiti sporazumno, ugovorne strane utvrđuju nadležnost stvarno nadležnog suda u Sarajevu.

Sve izmjene i dopune ovog Ugovora moraju biti sastavljene u pisanom obliku i moraju ih potpisati ovlaštene osobe. Ugovor je sačinjen u 2 (dva) istovjetna primjerka od kojih svaka ugovorna strana za svoje potrebe zadržava po jedan primjerak.

BM LOGISTIC d.o.o. Sarajevo MP

Mirnes Bošnjaković direktor

Datum potpisa: 05.06.2019. god.

Broj: 04-06/19

Srednja zubotehnička škola MP

Elvira Jašarbašić, prof. - direktor

Datum potpisa: 5.6.2019

Broj: 978-09-1/19

